



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Thalathini – Tarehe 26 Juni, 2018.

Kikao Kitaanza Saa 3.00 (Tatu) Asubuhi
na Dua itasomwa.

I. TAARIFA YA SPIKA:

II. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

267. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Katika eneo la Tunguu kumekuwa na ongezeko kubwa la nyumba za ibada nyingi zikiwa za wageni wanaohamia kutoka Tanzania bara. Ujenzi wa nyumba hizo umekuwa wa kiholela bila kuzingatia mipango miji na idadi ya watu wanaoishi eneo husika.

Je, kwanini kumekuwa na ongezeko holela la nyumba hizo bila kuzingatia mipango miji.

Ofisi ya Rais, Katiba, Sheria, Utumishi wa Umma na Utawala Bora:

276. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora.

Kwa mujibu wa Sheria za nchi yetu Serikali inaweza kushitaki na kushitakiwa mahakamani.

- (a) Je, katika kipindi cha miaka mitano iliyopita Serikali imeshitaki kesi ngapi na kesi ngapi imeshitakiwa.
- (b) Je, katika kipindi hicho, kesi ngapi Serikali imeshinda na ngapi imeshindwa au kusuluhishwa.

Wizara ya Elimu na Mafunzo ya Amali:

53. MHESHIMIWA OMAR SEIF ABEID (JIMBO la Konde) - Atamuuliza Mheshimiwa Waziri wa Elimu, na Mafunzo ya Amali:

Pamoja na Wizara ya Elimu kuwa na bajeti ya mwaka mzima wa fedha, kumekuwa na tatizo la upungufu wa maabara na vifaa vya kufundishia kwenye skuli mbali mbali. Jambo hilo huleta changamoto kwa wanafunzi wa masomo ya sayansi, kwani vifaa vichache hupatikana muda mfupi kabla ya wanafunzi kufanya mtihani wa Taifa wa kidato cha nne.

- (a) Je, Wizara ina mpango wa kupeleka vifaa vya maabara katika maskuli kabla ya kuanza kwa mtihani wa "MOC" unaofanyika mwezi Mei, ambao huwa ndio kipimo halisi cha mwanafunzi huyo.
- (b) Je, Wizara ina mkakati gani wa kuzifanya maabara hizo ziwe "*science lab*" badala ya hizi sasa ambazo nyingi zao ni "*science room*" kutokana na kutofikia kiwango cha kuwa na "*laboratory*".

227. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Elimu na Mafunzo ya Amali:

Skuli za binafsi, mara nyingi hutumia magari ya aina mbali mbali kwa ajili ya kuwasafirisha wanafunzi wa skuli zao. Lakini, kwa masikitiko makubwa, baadhi yao huchukuwa wanafunzi wengi na kusababisha msongomano wa wanafunzi katika gari hizo. Kwa kuwa tatizo hilo ni hatari kwa wanafunzi hao.

Je, Wizara ina mpango gani wa kulinda usalama wa wanafunzi hao.

Wizara ya Biashara na Viwanda:

192. MHESHIMIWA ASHA ABDALLA MUSSA (Jimbo la Kiwengwa) - Atamuuliza Mheshimiwa Waziri wa Biashara na Viwanda:

Shirika la Taifa Biashara la Zanzibar (ZSTC) huwa linatoa mikopo katika gharama za awali za uchumaji karafuu.

- (a) Je, mikopo hiyo inaendelea sambamba na matarajio ya Shirika.
- (b) Je, iwapo mkulima atachelewa kurejesha mkopo kuna hatua gani zinazochukuliwa kudhibiti uchelewaji huo.

256. MHESHIMIWA MUSSA FOUM MUSSA (Jimbo la Kiwani) - Atamuuliza Mheshimiwa Waziri wa Biashara na Viwanda:

Katika mwaka 2016/2017 kwa upande wa mauzo ya karafuu Shirika liliuzwa jumla ya tani 2,156 zenye thamani ya USD 16.67 milioni sawa na Tsh. 36.0 billioni hadi tarehe 31/3/2017.

- (a) Je, Shirika la ZSTC kwa mwaka 2017/2018 limeuza kiasi gani.
- (b) Je, Shirika limepata faida kiasi gani.

Wizara ya Kazi, Uwezeshaji, Wazee, Wanawake na Watoto:

240. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Kazi, Uwezeshaji, Wazee, Wanawake na Watoto.

Pamoja na juhudi za Serikali kuwawezesha wanawake nchini na jitihada za Rais wetu mpendwa Mhe. Dkt. Ali Mohamed Shein, bado yapo maeneo yanahitaji kuongezwa juhudi hizo kama vile Jambiani, Michamvi, Muungoni na Bwejuu ambako akina mama wana miradi yao mbali mbali wanahitaji kuwezeshwa kupatiwa fedha na utaalumu ili waweze kujikwamua na umasikini.

- (a) Je, Wizara imejipanga vipi kuwafikia wanawake wa maeneo niliyoyataja ili waweze kuendeleza miradi yao na kujipatia kipato.
- (b) Lini Waziri na Naibu Waziri watafanya ziara ya makusudi kuwatembelea akina mama wa maeneo hayo na kuwasaidia.

Wizara ya Ujenzi, Mawasiliano na Usafirishaji:

157. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ujenzi, Mawasiliano na Usafirishaji:

Serikali ya Mapinduzi ya Zanzibar inastahili pongezi kwa kuwajibika kwa wananchi na kuleta maendeleo pamoja na kukuza utalii lakini kuna tetesi za ujenzi wa uwanja wa ndege mdogo Nungwi na Mkoani Pemba ili kurahisisha usafiri wa anga.

- (a) Je, suala hili ni kweli.
- (b) Je, kama ni kweli tayari eneo limeshapatikana au bado.
- (c) Je, kama ni kweli mpango huu utatekelezwa katika Bajeti ya mwaka gani wa fedha.

218. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Ujenzi, Mawasiliano na Usafirishaji:

Naipongeza Serikali ya Mapinduzi ya Zanzibar kwa ujenzi wa miundombinu ya barabara nchini, Unguja na Pemba, nakutumia fedha nyingi kwa barabara hizo. Kwa kuwa barabara zinatumia fedha nyingi katika ujenzi wake.

Je, Wizara haioni ipo haja ya kuzijengea kingo za pembeni ili kuzinusuru wakati wa mvua.

Wizara ya Kilimo, Maliasili, Mifugo na Uvuvi:

187. MHESHIMIWA ASHA ABDALLA MUSSA (Jimbo la Kiwengwa) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Lengo la Serikali kupitia Wizara ya Kilimo, Maliasili, Mifugo na Uvuvi ni kuendeleza mashamba ya mifugo yaliopo Unguja na Pemba kwa kuimarisha mifugo likiwemo shamba la mifugo Pangeni.

Je, Wizara ina mpango gani kwa sasa ili kuhakikisha kuwa mashamba hayo yanaimarika kama ilivyokusudiwa.

Wizara ya Afya:

22. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Mnamo tarehe 2/3/2018 mara baada ya kuapishwa, Waziri wa Afya alifanya ziara ya ghafla nyakati za usiku katika Hospitali ya Mnazimmoja.

- (a) Mambo gani aliyoyaona Mheshimiwa Waziri katika ziara hiyo.
- (b) Kuna mikakati gani ya uhakika ya kutatua changamoto sugu za Hospitali ya Mnazimmoja.

127. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Afya:

Vyakula na vinyw`aji vinavyotoka nje vinaingizwa nchini na wafanyabiashara wadogo wadogo pengine bila ya "Agent" na vitu hivyo vinatiliwa mashaka kuwa huleta madhara kwa mlaji au watumiaji na pengine husababisha madhara makubwa kiafya au kifo.

- (a) Je, Serikali imejipanga vipi katika vyakula na vinywaji vinavyoingizwa nchini bila ya "Agent."
- (b) Je, mtumiaji akipata tatizo kwa vyakula na vinywaji vilivyoingizwa, mtumiaji atapata malipo ya matibabu kupitia wapi.
- (c) Je, imeshawahi kutokea tatizo hilo na Wizara ililimaliza vipi.

III. HOJA ZA SERIKALI:

Waziri wa Fedha na Mipango:

Kwamba Baraza hili lijadili na Kuukubali Mpango wa Maendeleo wa Serikali ya Mapinduzi ya Zanzibar kwa Mwaka 2018/2019 na Lijadili na kuyakubali Makadirio ya Mapato na Matumizi ya Kazi za Kawaida na Maendeleo ya Serikali ya Mapinduzi ya Zanzibar kwa Mwaka 2018/2019.

**Zanzibar,
26 Juni, 2018.**

**(Raya Issa Msellem)
KATIBU WA BARAZA.**